

seitten/ also verhalt sich die bekante distans von deinem andern stand zum ersten Baum gegen der unbekandten distans der zwey Bäum.

Ich will sezen die Regel hab abgeschnitten den 80. theil Vmbræ versæ, vnd halt das ganze latus 100. theil/ vnd ist die distans des andern stands vom ersten Baum 36. Schuch: procedir nach der Regel Detry/ so findest du dein begeren: also.

$$80 - 100 - 36. \text{ — facit } 45. \text{ Schuch.}$$

So es sich aber begebe/das die Regel fiele auff die seitte Vmbræ rectæ, so ist die distans der zwey Bäum näher/ als der zwey stand: zehle derowegen auch wie viel theil die Regel in Vmbræ recta abschneide. Dann wie sich verhalt die ganze seit gegen dem abschnitt/ also verhalt sich die bekante distans der zwey stand gegen der unbekanten distans der zwey Bäum.

Ich will sezen/ wie zuvor/ die zwey stand stehn von einander 36. Schuch/ vnd schneide die Regel ab in Vmbræ recta 65. theil/ vnd ist die ganze seit/wie allzeit 100. theil: procedir nach der Regel Detry/ so erlangst du dein begern: also.

$$100 - 65 - 36 - \text{facit } 23\frac{2}{5}. \text{ Schuch.}$$

15.

Die höhe eines Thurns/ Baums oder ander strack auffgerichteten dings/ dazu man auff ebenem boden gehn kan/ durch das Geometrisch Quadrat zu finden..

Wann du eine höhe/ dazu man auff ebenem boden gehn kan/ abmessen: wilt/ so nimb den Quadranten mit angeheffter Regel vnd dem Fuß/ stelle dich von der höhe so weit du wilt/ vnd richteden Quadranten das die lini A C. perpendiculariter vbersich schevnd die lini A B horizontaliter lige: richte nachmals die Regel so lang/ bis du den Spiken des Thurns/ oder das end der begerten höhe ersihest/ vnd mercke wa die Regel die Sca- Zahl 100. oder aber in der seitten Vmbræ rectæ oder Vmbræ versæ.

Wann derowegen die Regel auff die Zahl 100. fällt/ so stehest du just von dem Thurn so weit/ als derselbige gegen der höhe deines Augs oder dem centro des Quadrantens hoch ist. Wann du nuhn missest mit Schuch/ Schritte: